

05.maj 2015

UPA2015/38

**Kommunini sulisut meeqqanik inuuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinermminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuse-qarnissaat pillugu periarfissaqarnersoq, tamannalu pissusissamisoortuunersoq pillugit oqaloqateqarnissaq.**

**Naalakkersuisut peqquneqarnissaannik Inatsisartut aalajangiiffigisassaatut siunnersuut.**

**Naalakkersuisut misissuinerisa naliliinerisalu inernerana nalunaarusiorneqarluni kingusinner-paamik 1. april 2016 Inatsisartunut tunniunneqassaaq.**

(Inatsisartunut ilaasortaq Aaja Chemnitz Larsen, Inuit Ataqatigiit)

Aaja Chemnitz Larsen, Inuit Ataqatigiit siunnersuutaa imattoq imak Siumumiit oqaaseqarfingissavarput.

Siumut isumaqarpoq inunnik isumaginninnikkut sullissinerit ikorsiisarnerillu tamarmik, naatsorsueriaatsit naleqassutsimik aallaaveqartut sakkugalugit, ingerlaavartumik nalilersorneqartariaqartut naleqqussartuarneqarlutillu. Taamaaliornikkut nunatsinni sullinneqartunut tamanut sullissineq pitsaanerpaaq naligiinnerusorlu anguneqassamat, tamannalu ineriartortinneqassaaq Namminersorne-rullutik Oqartussat kommunillu suleqatigiinnerisigut. Isumaginninnikkut sullissineq imminut ikornissamik aallaaveqartillugu ingerlanneqartuarnissaat siunertaralugu nalilersuisoqartuassamat.

Kommunep iluani meeqqanut inuuusuttunullu sullissisut suliaasa qaleriaatilertarneri siullermiilerunangillat kingulliugunaratillu, tamannaliuna sapinngisamik ataatsimoorussamik kivitseqatigiinnikkut pakkersimaartuagassarput. Aamma suliap annertussusiisa assigiinnginneri ilaatigut imaannaangitsunik sunniuteqartarsimanissaat qularutigineqarsinnaanngilaq. Tamanna ajuusaarnartumik ilaatigut suliap unammilleruminaanneranik kinguneqartumik sulisunik taarseraannermik pisinnaasoq aamma maluginiartarsimavarput. Ajornartorsiutip tamatuma nutaajunnginnera akioruminaanneralu toqqortorsinnaanngilaq, ajuusaanartuuvormi tamatuma uteqqiasarnera.

Miserratigineqarsinnaanngilaq Kommuneni Inunniq Sullissisut suliaat pillugit qanoq ullumikkut sumiiffiit ilaanni assoruuffiutigisumi inissisimasoqarnera.

Pisuni qulaani taaneqartuni ajornartorsiutit iluarsiivigineqarnissaat politikkikkut iliuuseqarfiginiakkatta ilagivaat. Taamaakkaluartorli illuatungaatigut sangutittariaqaligarput unaasoq Siumummiit oqariartutigerusupparput: Pisortat akulerunnerisigut aaqqiiniarnerit isumalluarnaraluaqisut pisusaaffiullutillu, innuttaasulli aamma inooriaatsitta pitsaanerusumik sangutinnissaannut pikkorinнерulertariaqarnissaannik kaammattuerusuppugut. Siunnerfik ataaseq ornillugu peqatigiinnikkut kivisinnaasagut nukissaqarfigileqqullugit.

Inuiaqatigiinni ajornartorsiutit uteqqiasut ammasumik suleqatigiiffisariaqarpagut. Ilatsiinnarluni utaqqiinnarneq siunissamut ungasinnerusumut isigaluni peqataanerunngimmat.

Allangortitserusunneq qitiusumik ingerlassappat ataatsimoorfearneq kisiat nukittunerulersitsinis-samik kivitsinissamut isumalluutaavoq. Meerartatta inuusuttortattalu siunissaat pitsaanerusoq pilersissagutsigu maligassiulluarnissaq tamani qitiusariaqarpoq. Taamaattumik Inunniq sullissivinni oqilisaanissaq tassuunakkut aamma aqqutissiueqatigiinnitsigut pilersissinnaavarput.

Uanilu pingaarluinnartuuvoq tamanut eqqaasitsissutigissallugu kaammattoqatigiinneq siunnerfigeqatigiinnerlu. Partiit akimorlugit suleqatigiinnissami pereersunut oqariartortilluta kukkunersiueqataartuarnissarput iluarsiinissamut aqqutissiuuisuunngimmat.

Qanumut oqaloqatigiinneq tassaavoq aporfinnik suugaluartunik aaqqiinissamut aqqut pisariinner-paaq, aamma tamatuma nassatarisussaavaa sutigut tamatigut innuttaasunut sullissinikkut eqaallisaa-nissaq. Anguniagassalioqatigiinnerup siunissaq ungasinnerusoq isigalugu pitsaanerusumik sorlaqarfiusumillu inerisaasoqarnissaa aqqutissiuunneqarsinnaavoq. Tamanna pisinnaavoq utaqqiinnarani siusinaartumillu iliuuseqarnikkut sulisut atugaannik iluarsaasseqqinnikkut. Nukissaqassagaannimi tunniussaqlunilu inuk tamatigut aallaavigiusariaqarpoq.

Tusartualigарput ilaatigullu immaqa akulikippallaalersimasoq naammattoortaligарput unaavoq; Inunniq isumaginninnikkut sullissinerup naammagineqannginnera. Siumumiilli isumaqarpugut eqqartuussiuuaannartutut nipeqarluni naqissusiiuarneq inuit piumassuseqarlutik sulerusunnerannut

asuli tamanna nungullarsaataaginnartartoq. Inuit sullinniakkat pineqartillugit pingaaruteqarluinnartuovoq aallaavik nukissaqartariaqarlunilu pitsaasunik sakkussaqartariaqarmat. Taamaattumik nalilersueqatigiittarnissaq sullisisullu nukissaqarneroqqullugit qanimat oqaloqateqartarnissaannik periarfissaqartitsinissaq ammaffigineqarnerusariaqartoq. Sullinniakkammi saaffiginnittartut nammatai mattusiinnarlugit iluarsineqarsinnaasanngimmata.

Siumut oqaatigissavarput pissutsit Kommunet iluanni sullissinerup equngasoqarneranik nalilersuisoqaqqinnissaa tapersensoratsigu. Tamatumanilu Kommunet kattuffiat KANUKOKA suleqatigalugu iluarsiivigineqartariaqartut pimoorullugit ukkanneqartariaqartut.

Siumumiit qulequttap pingaaruteqarluinnartup itisilerneqarnerunissaanik oqariartuuteqartup pineqarnerani Naalakkersuisut UKA16-mut misissuinissamut nalilersuinissamullu nalunaarusiornissaa taperserparput.

Laura Táunâjik

Siumut